

Васваса (З-қисм)



17:52 / 08.07.2017 6094

Руҳий ва асабий касаллар сони тинимсиз ўсиб бормоқда. Бу эса ушбу ҳадиси шариф ва кейинги келадиган ҳадисларнинг ҳикматига инсоният қанчалик муҳтоҷ эканини кўрсатади.

Абу Ҳурайрадан ривоят қилинади:

«Расулуллоҳ соллаллоҳу алайҳи васаллам:

«Шайтон биринчи келиб:

«Осмонни ким яратган? Ерни ким яратган?» дейди.

У: «Аллоҳ», дейди. Ким шунга ўхшаш бирор нарсани сезса, дарҳол «Аманту биллаҳи ва Руслулиҳи» – «Аллоҳга ва Унинг Расуллариға иймон келтирдим», десин», дедилар».

Бу ҳадиси шариф аввалроқ ўтган ҳадисни тафсир қилиб келмоқда.

Васвасанинг аввалги босқичидаёқ Аллоҳ таолога ва У Зотнинг набийлариға бўлган иймонни эълон қилиб, шайтонни қувиш маслаҳат берилмоқда.

1285. Шаҳр ибн Хувшабдан ривоят қилинади:

«Мен тоғам билан Оишанинг ҳузурига кирдим. Шунда у:

«Биримизнинг қўнглида, агар уни гапирса, охирати куядиган нарса пайдо бўлади. Агар юзага чиқса, у сабабли қатл қилинади», деди.

У (Оиша) уч марта такбир айтди. Сўнг:

«Расулуллоҳ соллаллоҳу алайҳи васалламдан ўша нарса ҳақида сўралган эди. Шунда у зот: «Агар бирортангизда ўша нарса бўлса, уч марта такбир айтсин. Зотан, буни фақат мўмингина ҳис қиласи», дедилар».

Шарҳ: Яъни кўнгилга келаётган васвасанинг ёмонлигини ва уни айтса, охирати куйишини ҳис қилиш ҳақиқий мўминга хос ҳолатдир.

Ўша пайтда мўмин кишини шайтон васваса қилаётган бўлади. Агар у дадил бўлиб, уч марта «Аллоҳу Акбар!» деса, шайтон орқа-олдига қарамай қочади.

1286. Анас ибн Моликдан ривоят қилинади:

«Расулуллоҳ соллаллоҳу алайҳи васаллам: «Одамлар бўлмаган нарсаларни сўрайверадилар. Ҳаттоқи «Аллоҳ ҳамма нарсани яратувчи. Бас, Аллоҳни ким яратган?» дейишади», дедилар».

Шарҳ: Шунинг учун бизда воқеликда йўқ нарсани сўраш мумкин эмас. Воқеликда йўқ нарсани сўрайвериш ўша нарсанинг воқе бўлишини сўраш, исташ бўлиб қолади.

Тарихдан маълумки, шундай бўлди ҳам. Инсон ўзига ана шу кулфатни тили билан сотиб олди. Шунинг учун бундан ниҳоятда эҳтиёт бўлиш керак.

Бу ҳам шайтоннинг катта ва кучли васвасаси доирасига киради. Бундай ҳолатдан мўмин банда эҳтиёт бўлиши керак.

Иbn Касир ҳазрати Абдуллоҳ ибн Аббосдан нақл қиласи. У киши Аллоҳ таолонинг Наас сурасидаги «Ал-васвас ал-хоннас» деган қавлини тафсир қилиб: «Шайтон одам боласининг қалбидаги чўккалашиб ўтирган бўлади. Қачон у унутса ва ғофил бўлса, васваса қиласи. Қачон зикр қилса, беркинади», деган.

Васвасанинг зарарларидан:

1. Васваса шакка йўлдир. Аллоҳ таоло ҳақидаги шак куфрдир.
2. Васваса инсоннинг ўзига ва ўзгаларга бўлган ишончини йўқча чиқаради.

3. Васваса унга чалингандан одамларнинг нафратини қўзитади ва улардан уни узоқлаштиради.
4. Васвасага чалинганинг ибодати мукаммал ва фикри барқарор бўлмайди.
5. Васвасага чалинган ўзи шиддатли ишларни танлаб, охири ман қилинган нарсаларга ҳам ўтади.
6. Васвасага чалинган охири ваҳимачи ва жинни бўлиб қолиши ҳам бор.

Шайх Муҳаммад Содиқ Муҳаммад Юсуф

(Одоблар ҳазинаси китобидан)